

## 伯公下个老榕樹

黃啟晉

佢屋下面前有一座石頭伯公，佢係佢等莊項村民个信仰。記得還細个時節，在佢脣口有一頭桂花樹，另一片係一頭盡大个榕樹。閒常時个佢等，放學欸都會走到這片來寮，毋係坐下來寮涼跋到榕樹頂高，係無就坐在榕樹香爐後背學做伯公，實在搞怪。從該行過个阿源伯婆看到，逐擺就會唸佢等：「這兜山狗仔，無規無矩，跋到伯公下个榕樹頂高，會分伯公罰做狗仔啲！恁不聽話，毋遽遽下來。」蠻皮个佢等，總係毋答佢，還係佢講佢个，佢等做佢等个。有時節佢實在看毋下欸，就會拿等竹筏仔來修佢等。看到阿源伯婆逐過來欸，佢等就會趕緊跋下樹閃走，分佢扭毋到，只有單淨一个人企在該發呆，毋知愛怎樣。當然，佢係盡譴个話，就會直接同佢阿姆講，等佢等歸到屋下个時節，就只有等等吃竹筏仔。

這下恁起來，該頭榕樹生來盡大頭，莊項人用紅毛泥同佢圍成一個大圓地，在樹頭前放香爐分人插香唱喏。佢等个鄰長阿炳叔公逐日打早就會䟽床，到石頭伯公下唱喏換神茶，接等莊項老人家在這唱核喏，就會坐在榕樹底下寮涼講話，係無就會鋸弦仔唱歌，該山歌溜天个聲音，歸莊仔都聽欸著。聽著這兜老人家个歌聲，佢等就知愛準備去學校欸。到欸下晝頭放歸，伯公下就變成佢等細人仔搞寮个所在，毋管係搞家啦飯仔，耶係屏人尋，都會在這榕樹底下；無就係拿等後背菁園肚个菁絲，屏在榕樹頂高，對等恁好欺壓佢等、年紀加大个細人儕擲菁絲。神奇个係，毋管佢等怎樣搞寮，乜係跋到樹頂倒吊下來，從來就無一個細人仔會對樹仔頂高翻下來，該像伯公在保佑佢等樣仔。吾姆講過：「佢等个石頭伯公盡惜莊項个細人仔啲！」看來係真實欸。

無彩个係，榕樹在佢六年生个時節分包商倒核。因為伯公下後背个菁仔園係姑幼叔婆个。姑幼叔婆因為屋下債務个原因愛賣田，包商標著後，同歸片菁仔園倒淨，無想到連佢等最毋盼得个老榕樹也倒核。毋過佢等細人仔哪有法度呢！看頓怪手同地泥剷平，恁粗魯个同老榕樹推橫，工人再一節一節同佢鋸斷送走，心肝肚更之辛苦，目汁就強強流下來。佢問阿姆：「姑幼叔婆田坵挖地，做麼个愛同伯公下个榕樹挖核呢？」阿姆恬恬毋講話，佢想阿姆應該也無奈何。兩日過後，樹仔清淨欸，地泥也剷平欸，伯公下變欸空空，蓋像少欸息把仔東西。每日放學歸來，看到屋下面前空空欸，閒常時搞寮个地方無欸，有盡多講不出个心情。過無幾

久，包商開始動土起屋，一年後販屋也起好欸，外人接等徙入來莊項歇，原本老榕樹个所在，今下變成停車場。五年過後，脣後个桂花樹也因為愛做伯公下个水塔倒核，這下所有還細時節个回憶全部無核。

雖然莊項變鬧熱，來同石頭伯公唱喏个人也變多，莊項逐擺還福或者係渡孤，都做得看著緊來緊多个人。毋過少欸帶等偈等大个老榕樹，偈想伯公也有息把仔感慨吧！每日暗晡食夜後，偈等一家人都會共下去伯公下唱喏散步，還有行到停車場，同偈該隻變古變怪个俵仔，講等偈等還細時節个快樂往事。

~~ 作者為屏東縣育英國小教師 ~~